

## Universitätsbibliothek Paderborn

**Martini Bonacinæ Vtrivsque Signatvræ Referendarii  
Compendium Omnium Operum de Theologia Morali,  
omnibusque conscientiæ nodis**

**Bonacina, Martino**

**Coloniæ Agrippinæ**

Causæ excusantes à confessione.

**urn:nbn:de:hbz:466:1-41152**

confessionem anni præteriti usque ad præsentem, unica confessione utriusque obligationi satisfacit. *ib. n. 30. & 31.*

79. Pœnitens non tenetur quamprimum eodem anno confiteri peccata in confessione oblita, quorum recordatur post communionem. *ib. n. 32.*

80. Committens intra eumdem annum aliquid peccatum mortale post confessionem tantummodo venialium, & communionem isto anno factam, tenetur illud statim confiteri. *ib. n. 33.*

81. Confessio facienda est Sacerdoti approbato ad excipendas confessiones; neque potest parochus suis subditis prohibere, ne confiteantur hujusmodi Sacerdoti approbato, quia eo ipso quo talis Sacerdos, vel religiosus approbatus fuit ab Episcopo ad confessiones audiendas, censurem data facultas parochianis, ut possint hujusmodi Sacerdoti peccata confiteri. Quare non potest parochus denegare Eucharistiam illi in Paschate, nisi testatum facit se confessum Sacerdoti approbato. *ib. n. 34. & seqq.*

*Causæ excusantes à confessione.*

82. Excusatur, qui non habet, nec habere potest copiam Confessarii: qui probabiliter timet revelationem peccati, aut aliud grave detrimentum, licet debeat ea peccata confiteri, quæ probabiliter non timet manifestanda. Excusatur præterea is, qui non potest secreto confiteri, aut qui non potest nisi per interpretem, præciso mortis articulo. *ib. punct. ult. n. 1. & seq.*

83. Qui non potest aliter quam per scripturam confiteri, tenetur, quoties urgat præceptum, si commode & sine periculo confiteri potest per scripturam: secus dicendum si non possit sine gravi incommodo. Idem dicendum de eo qui habet lubricam memoriam: sic enim non tenetur cum gravi suo incommodo & periculo peccata scribere. *ib. n. 6. & 7.*

A D D I T I O.

In furto, & luxuria confitendum, an factum sit in loco sacro, vel cum re sacra: & si effusus fanguis, an in loco sacro. Quod si quis occidit, addendum etiam fuisse patrem, fratrem, vel personam sacram; & si furatus, per vim etiam rapuisse;

puisse, si sic res facta. Sot. l.c. vers. ad die, &c. Met. l.c. Nav. ca.  
6. num. 4. § 11.

Furatus) Navar. c. 17. num. 95.

Actus peccatum concomitantes non sunt explicandi: u-  
nius tamen peccati continuatio explicanda; ut si quis per  
mensem moratus est in voluntate occidendi.

An Ecclesia vel religio aliqua possit condere leges, de re-  
petenda confessione Dionys. Carth. 4. d. 17. putat non posse  
condere, & ideo rejiciendum statutum Cisterciensis ordi-  
nis, de confessione generali quod annis facienda, & ita docet  
Mart. Leodorf. 2. p. 4. sentent. 48. sub. 19. Ratio eorum est,  
quia multi DD docent Ecclesiam hoc non posse præcipere,  
ut quis secundo peccata confiteatur, ut S. Thomas quodl. I.  
a. 12. & Palud. in 4. d. 17. q. 5. sed falluntur, quia teste Navar.  
c. placuit de pœnit. d. 6. num. 118. statutum illud ordinis Cister-  
ciensis, à duobus Pontificibus fuit approbatum, ut est in eo-  
rum privilegiis. Pro intelligentia notandum, dupliciter pos-  
se aliquem obligari, ad eadem peccata secundo confitenda;  
1. sine ullo prævio consensu confitentis, 2. cum consensu præ-  
vio.

Resp. 1. modò nec Ecclesiam, nec religionem posse legem  
condere de iteranda confessione eorumdem peccatorum:  
& hoc sensu DD. docent Ecclesiam id non posse præcipere,  
tum quia Ecclesia non obligat ad nimis ardua, tum quia effi-  
cere nequit, ut quod non est necessaria materia pœnitentia;  
sit de necessitate confitendum; hoc enim esset sacramento-  
rum substantiam immutare, contra Trid. sess. 25. c. 2.

Resp. 2. Quod 2. modo potest condere legem Ita docet  
Henricus, quodl. 7 & Major. in 4. d. 17. quast. 6. Navar. in cap.  
placuit. & Gerson alphab. 25. litt. f. & ratio est, quia Papa po-  
test sacerdotalibus dare facultatem confitendi religiosis, cum  
ea conditione, ut semel in anno eadem peccata confitean-  
tur parocho, imo ita statuit Mart. VIII. in extravag. quam  
habet Adrian. in 4. de confess. q. 5. quod videtur confirmasse  
Sixtus IV in extravag. vices. tit. de treug. & pac quamvis se-  
cundum Sot. hujusmodi constitutiones non sint receptæ Ita-  
que statuta illa, quæ in religionibus sunt etiam de generali  
confessione facienda, obligant ex quadam conventione, &  
pacto eorum, quoniam voluntarie religionem illam susce-  
perunt, quatenus religionem ingredientes, eo ipso se ejus  
legibus subjecerunt.